

喙

鳴

詩

集

鳴詩集目錄卷一

賦

訟志賦

卜居賦

傷蹉跎賦

景愚賦

任運賦

感疇昔賦

幽通賦

采苓賦

悠心賦

日方升賦

四言詩附

送張成甫

夢過友氏將以鶩食我僕辭不飲為跪請命
因賦四言

喙鳴詩集目錄卷一終

喙鳴詩集卷一

四明 沈一貫肩吾 著

賦 四言詩附

曾 孫光燕子翼重校

訟志賦

序云危竿難上長索難跳惟捷足巧手矯身健力者數習可能不能遣不學者能而此捷足巧手矯身健力亦止能飛騰舞躍不住倏忽取便借勢妙一時耳竿索之上豈可寢處食息終歲而不去哉雖有大禪定人置身浮雲之表沉意

芥子之末不能久不去垂堂之戒昔人云何也
展轉思而不得左右顧而難為盲之下膏之上
當心為病每中夜披衣不復就枕至于待旦無
一語可告人亦無一人可告語知我者謂我心
憂不知我者謂我何求金塘大榭蛟門虎蹲之
下尚有羸蚌螿蠓足資蟬腹度餘齡胡不歸來
昔人謂士居窮巷猶鳥在籠中而不知仕宦不
得意不得去比檻猿廟犧惡懷更甚願以此易
彼不可得善乎謝鯤謂庾亮曰端委廟堂使百

僚惟則鯤不如亮至於一丘一壑自謂過之誠
然乎哉當時愛少君書乞其寫張平子歸田賦
于扇頭至今在笥此意夙然少君怪余方強仕
何為好此今復十五年矣不能挾兩筋雙饌而
憂勞倍人人生貴適志耳若貴章服則吾從優
人假翁呶醉卧斜陽亦致足樂人豈日夜華袞
從起卧哉古語云如何一寸心千愁萬愁入誠
哉是言爰有此賦

余亦以補袞自命而竟不能抽恒機之寸縷獨任

余兩星而微感天之一語安有去天尺五而謂之
遙逢時半千而謂之塞被體貌之優隆沐錫予之
蕃庶猥曰予黼哉且余天上之孤星人間之隻羽
也命妨朋僚固或游處畸立畸行莫約莫許入酬
萬幾出應干旅塵生酒杯雲棲談麈青燈夜熒警
枕長怒不能夢還天鷄起舞霍然披衣應門未啟
至于咏月嘲風品山題水撫予此生邈乎訖已天
生萬物無物不稠我獨何為紛罹百憂一柱支傾
一坏障流一勺救災一星燭幽學憤未得安知老

休世難方新嗟予何求悵彼碩人于澗之幽欲來
無梁欲往途修安社稷臣豈以事君為悅處人間
世誰能虛已而游醕酢書言一弩千鈞有時口吃
無能復陳將言耶吾言不二將默耶水火迫人坐
終朝而無策嚮白日而逡巡憂世難之不夷虞卒
廢而沒身嗟回天之鮮術豈合衆之寡倫閭閻
于九天眇河漢于北辰憤充室以喟歎兮悵始顛
之成虛抱琦璋以莫售兮隲峒嶢以居諸揭擔而
負簦兮持國璫璵嶠嶮虎豹之林兮紛紜群盜之

渠若駕者之牽曳兮誰發軔而步舒若兀者之兀
于兮誰就余而爬梳已哉焉長吟何愁索居何仇
泛海者不止于塗而于舟入山者不戒于家而于
丘于丘于舟豈無淑謀天與人分塗而善勝力與
命異能而同求捕蝗驅蠅氣奪事已徙山鑿海精
通意收假令管晏居此必有錚錚王謝生茲定非
悠悠豈遂游韋匡之中林處張孔之下流而已哉
夫夫之生猴沐睢維志士之生出昴入箕辟三諫
而不入有號泣而相隨縱善撻而血體猶敬孝以

陳詞甘三斷而不屬將萬死而無移撼風雲之妙
指調龍鳳之妍姿嘉三王之德友立百辟之人師
滌舊德以新盤飲群良于一卮鑿方心而納貞智
弘滯跡而即昭坻還帝初心復入乘彛善為之而
可已美天命其安知若夫寢笏囊組攬車跨鞍蕩
余志兮逍遙鄉縱余生兮爛熳園謝絳節之侶交
碧津之歡不羽而四溟飛無檄而九宇安邀赤松
以容與踞綺樹而盤桓此神仙之福履豈短翅之
能翰

卜居賦

嗟天命之不吾與兮，羌抱著而得凶。翰音不可升于天兮，道剝蝕而已窮。眇余一身之在朝端兮，四瞠目而無從言脫口。而莫余信兮，詆誦譎而交鋒。根淺不可以植土兮，足蹙艱乎躡高。褚小不可以懷大兮，綆短無能運遼。上不屬天下不屬地兮，虛風萍之飄颻。譬牢疴之待斃兮，獨微明之昭昭。肝臂離而為蟲鼠兮，枝體接乎魑魅。口將言而舌不掉兮，手欲運而指膠。嗟沉痾之莫起兮，空垂睫兮。

連而藉承漿之涓流兮淺人謂其可醫豈無吉曜
之或煦兮如鬼物之見驅知司命之無可何兮虛
勞明星之懨詞舉手以謝諸公兮好黽勉而夙宵
道隨人而異舉兮會有適而不勞亮乾坤之不可
毀兮剛柔發而成爻豈苞桑之終否兮旋轉轂而
泰交及茲未大壞而極敝兮爰整故而為新余雖
永捐于泉壑兮視有托而忻忻惟余不可復留兮
逝去此而問津豈違卜而得祥兮無反天而合人
偉大物之不可苟試兮美璞寧寄于拙工今此兆

獨當于余身兮甘萬死而雍容留不祥以禍國兮
即俎醢其奚庸矧襲卜而再告兮敢不奉而敬從
亂曰兩儀散形兮振蕩而甄參而施化兮物居其
躔日月光于太清兮不能左旋五曜舍于紫樞兮
固無終年人稟命于蒼昊兮賦定其質短者不可
學長兮跂而見躡使牽牛可負輓兮嘉天田之長
治令瓠瓜可以食人兮信碩舉之得輿奔龍之微
緩轡兮猶跛鱉無高騫毋以大鵬之絕地兮而笑
斥鷃之不天分各有極量各有宜順之則智強之

則愚狗不服駕馬不守閭吾將逝矣夫子勗諸

傷蹉跎賦

嗟葆生之非遥惟善死乃不磨時待漏于未旦屬
仰則于前柯或折肝于弱朝歲碧血于巖阿或奮
劍于陽侯資朽骨于江沱或行喟于澤畔擷芳辭
于青蘿或叱難于平原逝仙解于兵戈苟戰兢而
正斃胡伏箐而呻哦在殤子非天年况素絲其婆
娑憤余生之不天丁三命之竒訛走敗轅于峻岨
操敝柁于盤渦感虺隕之竟體知荏苒之無多貪

稍寬其鬱伊駐急流于迴波既觸藩而莫退胡御
瑟而不歌誦溺人之必笑嘉碩士之能邁苟禮義
之靡愆任喻訛其誰何斫春風以非痛啼秋月而
非魔事有待而永畢夫何傷于蹉跎

景愚賦

景前賢之明睿偉顏氏之獨愚正愚名而不受沛
在宥而稱如費聖瀆之再三茂報言于一隅坐杏
壇以終自送清風于舞雩衆交鋒而思奮或觸網
而麗䟽目不瞬而若盲耳不傾而烏施注洪波于

貪壑吞小舟于溟魚徒有入而無出入亦不知其
所歸蓋精衛之莫填曾愚公而可移為土偶兮木
偶將日居兮月諸雖切磋與琢磨安磨磷而涅緇

任運賦

任大運以時邁兮載流雲以上征洵禦寇之道遙
兮融骨肉以兼凝張兩掖以担橋兮終不令其拂
膺貴大患其若身兮化萬物而安生若有人而擬
吾劍兮吾延頸以相承彼既無增其煩鬱兮吾亦
免其規營服先民之良訓兮庶櫻之而後寧吾安

能與力競兮安能與命爭

感疇昔賦

總一紀之本末丁陽九之極衝摺慷慨于帝社盟
從容于霄宮祁發若于沫斗續豐亨于日中淚飛
泉以奮涌身槁葉而迎風介垂磷而愈砥氣欲盡
而彌虹紛衆人之欲殺奉委骨以敬從恃聖心之
未厭豈天悲其孤斃靡少選之暇豫畢夙宵而慙
慙信為臣之不易每多闕而難縫若不虞其揭厲
槩胸懷而仰攻翻治亂于毫芒焚存亡于蒙戎增

寒氷之栗烈益膏火之燿燿雖無私而善敗况有
挾而能工即妄投而偶中卒乍開而全封茲庶僚
之狂斐非大臣之精忠盖大臣之為務幾靈犀之
一通在弼違而匡救亦長善而擴充靖皇紀以固
國布帝咨以立庸曠冥策以玄運詢遠猷以淪聰
志變臯而逢干業伊召而胥弘守大節以臨命之
萬死而彌衷匪爭妍于桃李乃比操于筠松却蕃
武之標榜謝秦儀之橫縱甘下流而府謗忍壘斷
而尸功形入陳而出順情絕私而抱公蠲人適而

政間就事敬而行恭拚身名之俱敗惟社稷之虞
忡舍心回而力奪諒春秋之莫容不自正而正主
不正桀而桀弓臣尚蔽其寸縷君能豁其重瞳臣
尚滯其步趾君能降其九重心匪席而莫卷力如
川而必東達威怒而豢虎呼寤寐而攀龍履信地
而見疑夫誰為之盲聾或推車之相掉固初事而
厚終或筮門之不力抗雅志而尋鋒言有言而皆
轂心有心而盡胸更無幸于乾坤堪委命于屯蒙
衛填海而辭世鵬飲血而翔空俄有隕而自天諒

無號而非凶恨草微而環之付肝鼠而臂蟲虛百
僚之鵠俟惜四海之魚喁重曰君子立身端有致
兮有其致者遺其備兮曰子曰臣左右契兮見志
不從思所藝兮是凋三光金石敝兮懷吾玄珠必
有緒兮求死得死何怨悔兮彼急功庸思一置兮
或當利害徒曲濟兮捐其大謀徇小細兮一趨小
細道大悖兮是吾君親匪郵遞兮驪龍而寤安所
寄兮禍福倚伏在眉眚兮損吾名者吾功遂兮空
斬首耳其訖事兮身已死矣惡用譽兮豈是功名

日惕厲兮求死擇死弗昧翳兮

幽通賦

沈子幽居立其四壁幡經既勸歛容退息耳竟于
聲目窮于色無倪無端蕩蕩默默充然有得恍乎
有即載浮雲而徂游兮任清飈之所之御神車而
橫奔兮組氣馬而四馳吉胡不日兮良胡不時往
憲妃于瀟湘來西母于瑤池歌曰江頭柳色青青
歸萬里橋邊人未回玉牕箏聲調十指細細明璫
迎上巳別有元君乘滿月丈六金光照西闕又微

吟曰去
眼乍回看淹留燭未殘
闌干憑遍處金壁
夜團團
蓋若雅而若豔
意非人而非仙
覺而詫之
以為異爰呼火而賦焉

采
零賦

若有人
中凌絕巘兮卜居窮秦皇於汗漫觀
軒轅之素書披山麓之雲檢育潜虬之神軀冥脩
翮於紫霞濯素魄於蘭池遵金隄以假寐翳華蓋
之氤氲拜竒方於上池手玉紉之龍文瞻彼南山
兮鬱兮葱青立靈木於永岍翹孤枝于歲貞墜空

翠於危壁綴綠星於枯莖蔽彌彌而疑雨陰翳翳
兮如冰呈玉潤於修絲結千丈之柔縈余視貌以
導內識靈根之中盈考荒土以自宅葆西方之正
色塊辭群而獨居族雲擾而霧塞役靈龜於千齡
友大椿於萬億或火熾而明丹或霜潔而凝白或
鳥翥而雲翔或龜蹲而山寂或人聳而槁立或獸
駭而奔力既通神而致明亦和魂而善魄美調榮
以啟竅辟饑而休食前千年兮松脂後千年兮
鑿珀籀亦玉之明燈裂皓華之柔帛時清和之靜

吳卜吉會之景夕既載鋼錘入深七尺掘而得之
和白石捧而餐之滋丹液考玉微之嘉讚學子季
之服食去三尸以抱一冒太宇於寸赤集女蘿以
為腸聚江珠以為色朝少司兮扶桑夕期門兮碣
石覽赤縣兮壘空拂火鳥兮比翼指峇嶢兮為期
頌岡陵兮永殖曾朝菌與靈椿與較生而論息

悠心賦

引悠心于躅影映昭思于玄城寄丘里于易象收
荒唐于華經信自得之難言偉至人之無名背世

路之間關首天衢而化昇訊斯語于羨門越曠邈
而一朝世遯肥而鮮貞矧陟空而匪勞既吾生之
永逝即天地之重交山何摧而海枯日何毀而月
濛澹六氣于九室蕩四維于三宮挾飛霞以朝舉
抱明月而孤終物有懷而能厭心有畏而能強樞
有呼而能運泉有穴而能香循有照而能則照有
彼而能常諒彼我之不隔與雲烟而翱翔是故迴
環四極休息中林守形合真分形散心還魂守魄
顛陽倒陰出水蹈火履嶽枕岑青牛長舉白犬獨

携空中打麥江上浮蘆賣履市巷施薪里閭隱映
吳門之市沉鼫焦山之廬乘赤鯉以悠逝化修羊
而索居回鴈峰兮來往飛鴻山兮躊躇崦嵫無為
留白日後天地老亦當畢夫何久而何暫同為恍
而為忽欲乘化而歸盡姑存我而死物何逐逐于
非人消靈光于臬兀堂前玉棺誰與排舍後青竹
誰人埋黃梁一夢久已斷黃鵠一詞堪寄哀身為
白鶴不免彈蘇耽云胡歸去來檜樹胎仙骨鷄窠
托老生五嶽不足游婚嫁空縈縈何羨乎八公何

畏乎三彭少年戲兮不復作舊相識兮不復迎不
托丹霄之影不干玉札之名天曹之事不足平天
上尊官難奉承雲車羽蓋非我儀麟脯鳳肪非我
腥驅蛟斬蛇為誰勞驂龍駕鶴誰囂轟虎一任兮
鼓瑟鸞一任兮吹笙亦不念爪免鞭背亦不魘刀
免鬼偵群仙導兮豈其欣群魔繞兮豈其驚非儒
非釋亦非道總非世人無去無來亦無今了無世
情若乃金液方靈飛丹補精術制命丸守明堂想
崑崙三一法五千言黃庭之要不煩太上之玄可

尊自養生之常事何存亾而存存

日方升賦

閣試

於赫大明麗天健行盥東溟以濯曜軻扶桑而斯
征碧落展睭暉之景璇霄流沆瀣之精矯矯陽烏
擊海水三千而奮翼赫赫火馭指天衢九萬而馳
衡助青陽之載熙回寒光以初爚斗一南而天下
春既萬象于焉而生輝鷄三號而野中應故群迷
以之而皆覺月華收壁影之陸離奎躔避珠光之
錯落玉繩罷繫瑤斗已酌雖黎旭之始分而陰靈

其盡鑠魑魅魍魎忌明而宵犇象罔芴芒待時而
晨作雪煜兮含輝鬱燠兮吐煌拂拂兮霏霏蒼蒼
兮涼涼其為時也行天惟一度而輝燭于大荒其
為體也去地僅咫尺而宣耀於無疆始而出焉若
瑤光火齊不假采于丹牖懸黎結綠非繪色于玄
黃少而進焉若干燿萬炬應先晨而並舉九章五
采繪後素而咸章謝玄冥駕東皇揚祝融麗鈞芒
迺乘南陸馳節天閭當斯時也杖何策于夸父戈
何揮于魯陽節何所用其豐繩何所用其長騰躍

青燁之上容與東嶠之場若太極之渾沌始判而
欲分如元氣之泱泱方流而未央飛清泠而現瑞
奮初威而顯芒首黃道以遐征徑紫庭而抗行蓋
月駟之所不能追而雲螭之所不敢當也故蓬海
瀛洲依之而生氣神州赤縣瞻之以辨方煬河瀆
而冰釋灼岱岳而春敷賁草木則生機潛回于根
莖暨鱗羽則淑氣活潑于游翔眎周于冰天桂海
貫脰駢趾之都營遍于窮疆極幕圓臚方趾之鄉
睇巧壤而不穢經曠域而逾章大何遠而不屆小

何微而不彰物何戴而不覲人何覆而不印若乃
異域同明稱長安之最近八表齊照推化國之尤
長熹微雲霞之掌燿燦龍鳳之床湛露晞兮萬年
駿雀氣藹兮白玉堂蓋邦畿取日輪之象而太陽
乃天子之光茲旻穹之所為睠顧煌煌也故百卉
徇情有傾心之葵藿雖羽毛末品生鳴桐之鳳凰
曝背興獻主之忠入夢為見君之祥是以志士惜
陰運余覽兮齋之外義夫戀主晞余髮兮山之陽
仰堯文之煥者就之而取其象歌周雅之盛者頌

之而願其常也於戲寔明寔昌雖出震也無得而
踰既中既盈即當天也有時而昃故兩作為離大
人繼之以照四方上地則晉君子法之以昭明德
吸精粹吐氛慝慮逝波之遽東戒奔駒之臨隙庶
與日而俱升敷光天而罔極

四言詩附

東方明矣咸池朝浴月明之光落五留六三事大
夫其胡入告厥口如囊饗君之祿 東方明矣悲
此薦凶三事大夫其胡云從不有令圖與君始終

人既不祿天亦罔忠 嗟嗟今人為肉為糜浮浪
轉徙罔攸寄止尺地寸天詠人錯趾三事大夫曷
其起處 孰拒之闔孰延之門孰偃之床孰驅之
原國人作詩以刺大人大人曰嗟我刺國裡國裡
曰嗟黍稷惟馨我饗誰蠲而我謫云 栗烈之寒
胡能卒歲垂涕之告胡可索類庶幾夙夜天之方
蹶下土之圖社稷斯賴

右東方明矣五章四章章八句一章章十

二句

送張成甫

肅肅晨風悠悠旆旌僕夫戒徒良朋啟行不御旨
蓄若醒若醒安得諼草以蠲蘊蒸仰慙浮雲俯悵
流波雲既輪困波亦盤渦豈無芻秣驕駟不過臨
壘攬袂逝驪若何免絲雖長匪松不高獨學雖勤
不如同袍或者知還迷道非遙子之捐我云胡弗
隳人皆貴同子獨尚獨人皆外假子獨內足棄知
遺身維寂維冥美厥靈根懿我先覺澤雉自臞不
樂稻粱冥鴻自孤不樂鳳凰人生實難離會可量

永嘯今朝千載可忘

夢過友氏將以鷺食我僕辭不飲為跪請命

因賦四言

微我無友蕙蒸蘭肴道逝千鍾情孤一瓢吾寧獨
醒未忍舖糟萬物愛死豈殊我曹敢以口腹累子
烹炮願敕中厨於陵獻嘲

嘒鳴詩集卷一終

喙鳴詩集目錄卷二

樂府

將進酒

君馬黃二首

有所思

聖人出

遠如期

雉子斑

佳人期

學猗蘭操

悲歌行

歷下行為李于麟

擬秋胡行十一首

譚阿宜

王可交

孫思邈

三茅君

祝鷄翁

安期生

鄭思遠

巖青

藍采和

蓬球

費長房

修羊公

陰長生

許旌陽

游仙

塚鳴詩集目錄卷二終

喙鳴詩集卷二

四明 沈一貫肩吾 著

樂府

曾 孫光燕子翼重校

將進酒

丈人解嚴顏四座且勿喧生不逢王子期一日難
知何稱百年填胸磊落如丘山不飲安得游神僊
羅珍瀉玉聊自憐大罌小甌翻踏天天有酒旗地
酒泉虛蒙其聲人尚傳桂精一月不兩圓白駒行
地不可牽去歡居憂生實難

君馬黃二首

君馬黃我馬蒼安得我馬如君良
錯綴無光鐵聲急狂飈不飛驚
電逝但願我馬化為蠅登天入地
遙相及

君馬黃我馬蒼游龍尚不顧飛鴻
飛兔何言良神龍失雲如跛牂
騰蛇委霧鱗角亡請從櫪下居
無厭糟與糠

有所思

妾亦有所思君亦有所思
妾思思地終不移君思

思天安可知，鴈往燕來接。栖江澹寄書，零陵還謝
主人誰能長。此離誰能長，鬱陶白日不。回照焚心
擲山椒。

聖人出

聖人出，引天慶象。帝指修術經，肅盼嚮矢。孝誠未
明，衣朝萬方日。旰食諷虞唐，立勤人退。衰閔洞開
室，息血行令旦。發夕九荒罰，當臯賞信功。民見德
吏不憚，猶請吏戎虜。王斗粟錢人父兄，帝德新樂
無央。

遠如期

遠如期聖人在上風雨時越裳重譯來問之竅息
喘動荒人知遠如期日重光月重輪儻不然誰其
信遠如期日月代謝星辰錯行皇天不掩其精誠
陰陽掄拏以成大明遠如期天子法斗諸侯應宿
天地大矣何莫不有鳧飛鼓翼嘉樂克德人言軒
轅歎其拜筮循機履象曾不是則

雉子斑

雉子斑迴翔十丈飛復還逐雌喔喔行丘間雖有

黃鵠不顧攀黃鉅
可友不可匹寧同萬死共鼎鑊
不顧一日稱為

佳人期

欲留佳人佳人不我留
雲軒遊八極顧我嘻笑無
離愁肯酒希不嘗
亦有崇如丘遺我札書惋悵綢
繆幽蘭滿把欲寄途
修飛鳥不能捨之遠遊嘉彼
鴛央翼雙飛宿靈洲
嗟嗟人而不如鳥胡能日夕
相追求

學猗蘭操

有倚者蘭誰云不翻非採而佩蕙馬不如彼如之
人兮誰知予之珍兮鳳兮麟兮子其民兮山有桂
兮澤有椒桂可食兮椒可調非予不待兮我心勞

悲歌行

肥豕不如瘠牛貴官不如富首少病不如老健生
勞不如死休悲歌乎斗酒不澆百憂短日不給長
愁胡不歸來海頭日正照蓬丘

歷下行為李十麟

曷從獨駕來觀豈具攬星辰結虬鸞巧倖不起千

載無揆端短以大方規大員濯滌滓竅施大袞而
運斤北地執其常歷下跋其先龍鳳玩有章鷄犬
無難馬文質勻調稱世賢男兒安能齷齪隨人無
媼妍抑固偷存無乃徒為歡以我為簡吾辭旃仕
宦至方岳下不陵上不援下不欺始誰之黃童上
不愧滄浪之皇天嗟佳人乎古有之吾不及焉柰
何及焉長棄捐

擬秋胡行十一首

物情無象物初懸可知物情無象物初懸可知賢

人逢殃將德猶虧嵇公雖僊柳惠吾師人間難工
天上易居歌以言之物初懸可知

異類可托忠信涉波濤異類可托忠信涉波濤鳥
巢可窺獸群可邀目不忤眴心無灼焦人間雖遠
天上非遙歌以詠之忠信涉波濤

急景西流賢愚感念殊急景西流賢愚感念殊賢
豪邁志游園德輿前者視日樂而忘軀塵飛烟靡
詎足賢與歌以詠賢愚感念殊

璇璣日周傾則造偏璇璣日周傾則造化偏如

彼江流堙而生烟
謚亟殫迂或輕或軒
孤義不奮
獨愛不憐歌以詠
之傾則造化偏

天地皆實人處空
虛中天地皆實人
處空虛中實
下為土實上為風
隨風間土呼為壘
空動而有神
變化無窮歌以詠
之人處空虛中

人有驕陽苦患無
至剛人有驕陽苦
患無至剛旦
東暮西旋輪轉鄉
儵倏忽電日月非
長假道托宿
終非室堂歌以詠
之苦患無至剛

造化密移其本在
至柔造化密移其
本在至柔若

鳥甫鷲若蠶甫抽若春熙熙若泉瀏瀏孔仁釋慈
解明入幽歌以詠之其本在至柔

老子深遠囊括性命全老子深遠囊括性命全吾
謂三氏具遠如天合之乃備離之悉偏言不盡道
道非難言歌以詠之囊括性命全

江海有盡天地不可亡江海有盡天地不可亡謂
之混沌非無玄黃鑄金陶土歛陰肆陽日月孕精
星辰考行歌以詠之天地不可亡

謂柔非沉謂柔非
昏謂柔非沉謂柔非昏昏非

脂非韋莫然無魂不驚一羽不飛片塵欲平躁息
渾渾沌沌歌以詠之謂柔非昏昏

吾觀宇宙寸寸皆黃金吾觀宇宙寸寸皆黃金猛
虎父子王睢瑟瑟刺刺皆父母心饒熨割剝
理陽若陰歌以詠寸寸皆黃金

譚阿宜

譚阿宜譚阿宜九歲小兒六尺驅不飲不食行如
飛拚鬚入雲去何之大曆丙子忽來歸長跪父母
問起居一行已與人間辭禮絕下界不可祈烹羊

擊鼓誰所為不宿僊官宿山臈

王可交

餘杭母酒壺公藥賣藥買酒自斟酌四明山心去
復來一徃逍遙竟何託當年漾舟趙村好青玉案
前粟如棗黃衣送我落青天瀑布當門坐秋草三
月三日九月九一日辭家家在否今來又是幾春
秋直得先生幾杯酒

孫思邈

三尺女兒灼土卜

關深奏不覆妖髡張口吞

春波昆明老龍抱頭哭龍官秘方帝所珍須臾捧
出水函新不獨救龍還救人帝為先生何敢噴

三茅君

叔真味清虛龜山謁西母歸來恒谷中時年四十
九阿父下笞撻天兵呵左右折杖破四壁人驚霹
靂手兩弟二千石一時縮符綬賓朋數百曹餞筵
紛乘牡殷勤告諸父有踐星之斗明年復此辰幸
皆臨餞某至期門前地自除數千畝上施玄幄高
下踐瑤茵厚大作衆賓會杳無從人守瑛盤飛空

中奇肴送天酒妓樂間絲竹麝香染瓊玖有頃從
官集四躋六素蚪朱衣玉束腰趨蹌肅前後起與
家人別遍謝諸耆耆期至吾當逝諸公堪大旨兩
弟聞拊心不如鷄與狗棄官歸去來東山稽千首
憬悟一何暮皤如白雙叟縱能受真訣知成地仙
否長齋存明堂無繫神方肘佩服無勑朝猶能逮
飛走三茅嗣先代香滿古今口肯垂青雲梯敝屣
吾何有

祝鷄翁

尸鄉北山下養鷄百餘年鷄皆有名字呼之輒來
前白晝散青草夜栖高樹烟賣鷄及其子曰贏百
千錢得錢復置去此意誰能傳吳中養魚池至今
為人師嗟嗟祝鷄翁孔鸞之相知

安期生

留馬謝天子挂帆之蓬萊九骨豈能去濤中多風
雷詔使三五曹落日空徘徊仙人誰可期不期還
自來我愛千歲公碧眼無纖埃

鄭思遠

廬江鄭思遠少年為諸生晚師葛孝先受丹盟馬
迹山中有虎生二子虎母為人殺虎父驚且騰虎
子饑思遠持還為飼之虎父尋至思遠家跪謝因
相隨思遠每出行騎虎父二虎子負其經書衣藥
惟所之橫江橋邊逢徐隱患齒痛求虎髭云及熟
拔之挿齒間可療醫思遠拔之虎伏不動如拾遺
至今丹陽稱仙師

嚴青

都巡錄嚴青反為嚴青錄人馬不動如堵墻且教

辟取三年穀

蓋采和

破藍衫加敗襦六銜木帶三寸跗一脚着靴一脚
無拍板踏歌自都盧得錢拖之歸酒胡攔街兒童
拍手呼濠梁樓上饒歡娛笙簫雲鶴游帝都

蓬球

蓬生何事群仙游元暉何事獨上樓鶴背何事不
相許松梢露水滾滾流

費長房

可憐費長房不能吞糞蛆
乞得青竹杖飄飄下天
墟地上鬼神何足主
終朝恚怒淒風雨
終為衆鬼所侮不得死
絳囊空貯茱萸紫

修羊公

華陰山中石榻穿
修羊公來眠幾年
漢皇致之止王即有詔
問公何日語化為白石
白于玉題脇三行謝
天子通靈臺高不可攀
萬里雲霄飛寸羽

陰長生

安得神仙教大還
大作黃金數百萬
流人間欲知

當世言問取青城山
吁嗟青城山高不可攀

許旌陽

蓬萊化人夜來點檢神仙契
永嘉至今一千二百九十有餘歲
以數則過時則可八百風雲未登第
豫江之沙高偪城真壇柏枝拂地生
我欲從之片羽輕弄簫吹笛邀茅盈
月波無痕萬里綠江心為我飛清聲
却笑人間許長史也教仙籍書其名

游仙

乘風回雁嶺玩月曲龍池
佳名堪浣耳得意更同

誰我道非常道無為亦有為
幸寬老人貴無以世
禮推

咏鳴詩集卷二終

喙鳴詩亦目錄卷三

五言古詩

隴頭水

出塞六首

塞下曲四首

閨思

迢迢牽牛星

團扇歌

古別離二首

古意

白頭吟

江南曲

游仙二首

相逢長安陌行

貧女行

巖子陵

心訊牙

牙謝心

感遇

雜詩十六首

喙鳴詩集目錄卷三終

喙鳴詩集卷三

四明 沈一貫肩吾 著

五言古詩

曾 孫光燕子翼重校

隴頭水

秋風揚白沙夕露生寒芒
鳴鳩化為鷹結束從軍
行天地判區夏一水猶分張
嗟我胡漢人何年共
衣裳搗雪團作餐滿腹水與霜已
隴頭水誓言
死異鄉

出塞六首

出塞無涼風風來即囂掀從軍但行行莫理閨中
言少年亦慷慨中歲翻留連同行皆洒泣良乃人
情然將軍殉國家號令明秋天妻孥不在念何為
請田園

衽席豈不死玉石同一焚悲來堪自刎空沒無所
聞持此溝壑意努力事戎勲朔風吹人心結作陰
山雲

軍情非人理小仁不可為莫以老婦心誤殺并州
兒犬羊非我類蒐獵當天時飲馬浮苴井休鞍拂

雲祠蘆管風蕭蕭獵火明大旗但令胡種盡殺身
非所辭

戰酣落日黃霜鼓慘不鳴匈奴誰與驕中權隔軍
聲不須將軍令但識將軍情鷲鳥解韞紱一任天
縱橫慷慨誓孤軍直焚老上庭

秋風試驕驕四蹄捷有神落日下靈州遇虜交河
津寸箭如寸金豈忍輕去身誰為大單于為君策
奇勳

部曲各有分結交各有因幽并多慷慨勁力高秋

晏莫倚羽林士盤樂難為軍莫交少年子輕俠無
常親酒饌相經過論功各言多閉口稱弟兄開口
成禍羅

塞下曲四首

依山結層壘草木偃不驚開營立高牙風從幕後
生金精動列宿胡運識當傾努力事擊斬丈夫舉
鴻名

長戰夜生光照耀兜零明鼓聲一傳響上馬如流
星萬人皆敢死一身何用生平時訣妻子此日殉

弟兄嗟嗟幽并兒白髮難得盈

一劒當風鳴萬騎如雨集後隊知近遠前軍變呼
吸鑿冰起沙城凍入鐵嶺溢弓開虜日黃血濺塞
雲濕丈夫貴橫屍功廢名不立豈作蘭山下空向
隴西泣

我亦數竒者舊從李將軍將軍終不侯列校多遭
此豈無部曲招越河取竒勲結交取寸腸敢言甘
與辛擇主在始圖末棄寧為人聞卿提劒行嫖姚
宜許身嫖姚亦人豪詎獨功名論

閨思二首

不省蘼蕪草惟看豆蔻花
歡歸白門外猶自夢天涯

四月梅子生莫打青丸碎
五月雨中熟與歡共滋味

迢迢牽牛星

河漢日夜流滔滔無津梁
萬里豈云遠一水誠獨長
投杼再三歎終日不成章
時去會面難含情但悲傷
誰令為女牛寧作參與商

團扇歌

團扇復團扇皎皎機中練昔登寒女手今識君王
面棄之篋笥中猶在昭陽殿感此今昔意聊貴不
為賤譬彼隔河女終朝耿星漢君恩當語誰淚下
紛如霰

古別離二首

歲月送征夫迢迢固非一獨憶別君處與君別離
日白雲挂陵若匹馬逝如失所嗟此夜長還悲百
年疾

雙魚渡江來聞君在江都乃怨山川長能令歲月
殊君處寒梅開妾處啼鷓鴣一語纔相聞數月為
須史向來綺牕下一唾真一珠

古意

繡戶溜金風文簾綴珠露榮落同一朝君心亦應
妬誰道白頭吟不及長門賦

白頭吟

兔絲附青松松高絲亦長何意秋風來委蔓隨飛
霜海行無信風春行無信時瑤軫曾悞人勿復欺

新知事君以紅顏期我以白頭有夫莫令客客心
不可柔

江南曲

蕩舟結青蒲蒲青不見水水底躍雙鯉鴛鴦
起

游仙二首

我聞老萊子携妻耕蒿萊鷺鳩自謂得蓬艾為九
垓手拭日月光氣吞風與雷玄心執大象浮雲安
在哉海邑隣壺嶠庭除富琦瑰安知千歲椿代闕

年運頽小兒歌青裙天門一再開木公將金母雙
頓義戀迴

仙人驂白鶴盤旋戲瑤池縱手撒天花散作玉屑
麋兩兩婉孌童羽葆迎所之羽葆有嚴飾瑤枝宿
盤璃細酌琬琰膏高吟白雲詞頓轡群玉山息影
姑射陂侍女許飛瓊掩藹天人姿流盼燁素綾殷
勤送霞卮眷此貞白心感此陽春時結珮同翱翔
千秋樂無涯

相逢長安陌行

少為園林主老作園林客積塵暗成丘積時暗成
昔別君穆陵橋逢君長安陌星霜形貌苦陵谷姓
名易故山虎牙紅世事烏頭白長缺何所彈短歌
更誰得春耕不及南秋戍翻投北隣女怨寒機律
兕摧暮笛豈無他人憐終乏扶搖力積雨懸枯燈
嚴霜踏穿屐貧交顏自冷賤語意空寂壚頭值羽
人為余論雲石莪藿不得充何能待靈液

貧女行

三年成一葛五年成一絲絲比白玉纚葛比黃金

縷何乃貴如此縷縷手自治服登君子堂六親競
來窺不道新人醜盡道田家宜日入歸曲房拂拭
架高梳通宵爇爇火手疊成四規床頭文竹筐匙
管常相離自非歲時屬不識陽春姿寧為篋中陳
忍作身上緇室中復長女行當治歸資短線綻故
縫顏色不改渝家貧無織維持此申佩褱方領曳
長袖濶略無所施須憐辛苦作勿嗔時樣非如母
歲十載時來未可知

嚴子陵

漢帝思故人迢遙夢明月清晨題十行五道使車
發卧卸呼不起攬車嗟咄咄偃蹇中宵足留連舊
時舌客星猶在天肯為曹官屈至今七里灘潺湲
足怡悅所以馬伏波一見真主決投彼交讓冠樂
來就簡脫古道信濶達難為後人說

心訊牙

觀頤奉四體倚君當重關誰來橫齧齧使爾愁其
顏先民念輔車括后憂痼瘵與子本一身安能獨
晏然嘗聞行氣術虛通失憂患經營養鄞鷄一粲

天地寬

牙謝心

素乏扣浣術薄蝕復凌腫雖老藜莧鄉而預腥醲
恐決嚙既固職談笑亦危悚神君宰天地靜安百
靈擁請尊安尊位無以一節動况此風火軀散合
雲霧踊後剋早凋脫賢聖接其踵張老不可作誰
能百年勇

感遇

吾生一身耳群寇何紛紜衆鼓赴一招藁爾寧足

分衰木尚刈伐痛蘭猶灼焚滄海夜成田逝波終
不聞懿彼息心侶巖阿屏游氛空空十二部玄玄
五千文絳節迎玉童雲車駕羽君華表尚不來世
途豈所訢

雜詩十六首

羲農始基道於世若斗極百家紛異同衆星綴珠
璧泰山一以摧披離靡所適有族亦有祖誰為主
宗祏相見必以刃安用稱老釋人言有是非我法
無今昔旦暮希所遇蹇劣常惻惻

吾聞軒轅帝膝行上空同一當廣成子與物游無
終至陽奮黃墟至陰出玄穹變化超象外晴天飛
玉龍萬靈朝甘泉一往空後宮已無首山金但聞
烏號弓精英不可攀髮髯如夢中

呂梁有真人自贊忠信者入淵探鼉龍洪濤汨其
下死生非小物萬變暇俱捨玄宮與小廣隱几可
游也

聖人去我遠六籍久蕪沒楚楚漢諸生誦法徒兀
兀我愛揚子雲探竒入冥窟高閣違市朝太玄坐

終日詞賦皆小道清淨無餘物舉世皆下士聞之
更嘲忽

空濛霞嶼山蕭條二靈湖人稀若古始蘭蓀宅其
隅不見春陽榮亦免秋霜枯自生而自死猶然巢
燧俱深林藏元化吾為山澤虞

止水鑑毫髮流水迷員方稚齒識幾先病骨知暄
涼谷虛響乃滿天寒月有芒靜虛道之極至柔化
為剛君平有明誠強人不為王

晨凌地肺頂高歌露晞曲人生有去來此曲無離

續少殤人所憐老歸子亦哭老少既同哀修短亦
齊促豈知蛭憐夔一足吾亦足

太虛騰圓暉扶桑晰初日忻忻露海竇赤霄坐相
燭九關忽啟籥衆星曠不屬是時穉春啟輕寒散
中谷黃鵠何所挾雙翅兩寒玉萬靈朝昧爽駘蕩
復何欲

黃流不時清皓魄不時圓飄如鳥過目疾如矢辭
弦擾擾遠行人纍纍趨墓田舊物哀華表新人悲
故阡所以志士心高足苦不先寶畧及東汜無

怨華顛

蒿目憂世資置身鼎鑊中鼎鑊未及燃豈不膏微
躬位高衆所指一雀隨千弓不能早決起徘徊弄
春風彈石已在身啾啾哀鳴空達當威鳳翔窮當
逝冥鴻粗糲足再餐人生樂已豐此外皆其餘何
用勤若翁

灼灼園中花已披五色枝嬰嬰枝上禽交語春風
時歲月有急流人生無遠期白酒熟床頭不飲將
誰貽歡友非時來聊與斟酌之一酌澆煩襟再酌

空川坻三酌婆娑起兩足不任持川月綠微波麥
風汎彌彌賢聖本一道酒德無參差

渡江似春來十月鳥能巧雨收客帆起日出潮聲
早釣絲浮曙煙樵歌落天表新花紅欲綴故葉青
未稿何哉此方春去遲至偏早所以四海心獨夢
江臯好

方平降吳州麻姑坐其傍撒米成真珠嬉戲呈祕
方豈知老成人矯偽非我減開樽酌玉醴虛庭鬱
妙香吾酒非世酒飲之或爛腸陰陽隔仙塵飲啄

殊喧涼受任非其質珍異翻為殃自非冰雪心妄
意堪嗟傷

昔有五侯鯖吾亦斯人徒出入三教門方物不可
拘居釋常罵僧在孔亦嘲儒道士尊飛仙我意輕
寶符玄同衆妙理皆智初無愚少年亦迷惑中歲
頗謂娛詞賦不廢作功名與衆殊捨我即一途詭
性非故吾保持徵後氏世人甘見迂

夜人索更籌去來窮夙旦推枕不成寐起視轉河
漢我思一何迂但為愚者歎衣食近不恤緬懷千

嘯鳴詩集卷三
載撰門掩四壁空髮老百年半白露零衣裳斯須
結霜霰未登堂上絃恐先竈下爨不如歌古今衡
茅友原憲

卓哉揚王孫裸葬良不惡造化生我時安得袴襦
着混沌為我衣青天為我幕誰非塊然生豈論毛
與輶誰非寐然死豈論溝與壑南山未為鉤陳絮
何用斲如彼唾與涕一落便永落湯湯濁河流空
聞歎銅雀

嘯鳴詩集卷三終